

LES
PRODIGIEUSES
ET MONTRVEUSES AP-
PARITIONS QUI SE SONT
veües & apperceües au commen-
cemen^t de ce present mois de No-
uembre 1623. en diuers endroict^s
de ce Royaume de France.



A PARIS

Chez JEAN MARTIN, demeurant rue de
la vieille Bouclerie, au gros Tournois.

M. DC. XXIII.

LES PRODIGIEUSES ET

MONSTRUEUSES APPARITIONS

qui se sont veues & apperceues au commencement de ce present mois de Novembre, en diuers endroits de ce Royaume de France.



Eux-là se trompent lourdement, qui ne voulant donner foy qu'aux choses qui sont visibles à leurs yeux, osent nyer & soustenir d'une effrontee opiniastrété, que les prodiges qui se voyent & apperçouyent, sont pures refueries & fictions, enfantées dans les ceruelles détimbrées de quelques personnes qui s'esgayent à repaistre les hommes de telles forniettes controuues. Et bien que semblables gens ayent les plus braues & approuuez escriuains pour tesmoins & deffenseurs

de l'affirmatiue, neantmoins leur incredulité (vice le plus pernicious qui se puisse loger dans l'esprit) leurs donne tellement la berlue, qu'ils demeurent les yeux esblouys dans la plus grande clarté de la verité, & sont au contraire clairs-voyans dans les tenebres, plus que simmeriennes de leur opiniastrife. Le genre humain que Zocrate dit estre bien hardy, se garderoit bien d'entreprendre tels ouurages qui vont au delà de la nature, ce ne sont pas preuues de la puissance diabolique qui sçait plus, & se sert mieux des merueilles de la nature que les hommes, mais bien d'une puissance toute diuine, qui seule opere les merueilles au Ciel & en la terre, lesquels quoy que grandes, admirables & incomprehensibles, ne sont que ieux d'enfans; Laissons donc à part ces ames incredules, croupit

dans l'obscurité de leur obstination,
 pour reprendre le fil interrompu du
 discours de ces prodiges qu'un cha-
 cun adouë & confesse n'estre iamais
 arriuez sans estre comme avant-cou-
 rier de quelque signalé bon heur ou
 mal heur. Ainsi procederent des si-
 gnes, la venue & naissance du verbe
 incarné, par l'apparition de trois So-
 leils, qui apres retournerent tous en
 vn. Vne Fontaine d'huile d'une li-
 queur fort souueraine, iallir à gros
 bouillons, a donné durant vn iour &
 vne nuict, vne femme reuestuë de
 blanc, tenant son enfant entre ses
 bras parut au milieu de l'Arc en Ciel,
 comme il fust monstré à Auguste.
 Les Histoires prophanes en sont
 toutes remplies, le Coriphee de l'Hi-
 stoire Romaine, Tite Liue, ne rap-
 portent iamais quelque accident
 nouveau, qui n'ait esté presagé par

quelques prodiges, comme quãd ce Capitaine Cartaginois Anibal, rōpit & deffit en bataille le Consul Flaminius proche le Lac de Trasimene on remarqua euidentement deuant le combat, que les eauës de ce Lac auoient repoussé ces flots contremōt; Le mesme Historien escrit qu'auparauant la deffaicte qui se fist des Romains aupres de Cannes, l'on vit à Dome plusieurs prodiges, entre autres que la statuë de Pallas auoit brãlé sa iaueline de soy mesme, & apres qu'elle estoit apparuë toute ensanglantee; en ce temps-là mesme que le Ciel fist pleuuoir des pierres & du sang, le Soleil s'estant vn peu deuant voilé & esclipsé, comme voulant cōpatir & cōdoulouir à vne si funeste & fatale iournee, pour les Romains; Mais fans s'amuser à fouïller les pancartes de l'ãtiquité; Qui a iamais veu,

ou ouy chose plus miraculeuse que le cheual de S. George que l'on a entendu hannir deux fois, & qui estoit deuant l'Autel Nostre-Dame à Constantinople, n'estoit ce pas vn prognostique de ceste desplorabile perte que les Chrestiens ont faicte de ceste fameuse ville, contre la race infidelle des Ottomans, & depuis qui n'a ouy parler de ceste cloche qui est au Royaume d'Arragon, qui ne s'est renduë pas moins miraculeuse, en sonnant sans estre touchee, esbranlee n'y tiree de personne, cependant elle n'a iamais sonnë sans resueiller les plus endormis, elle sonna lors qu'Alfonce cinquieme d'Arragon alla à Naples, pour y faire la guerre, lors que Dom Sebastien Roy de Portugal, perdit son armee, composee de trois cens voiles; en Affrique, qui fust defaicte par les Mores; Elle sonna aussi

lors que Charles V. mourut, & aller emprunter des nations estrangeres des preuues de nostre dire, qui est celuy si petit soit il qui n'aye veu à yeux ouuerts ce mistere, & ceste comette qui a apparu ces annees passees sous nostre hemisphere, combien de guerre, de peste, & de malheurs portoit-elle au bout de sa longue queuë, combien de fois a on veu blanchir les campagnes d'ossements destuez, tant en France, en Boheme, en Hongrie, & autres endroicts de l'Europe. Mais bien que tels accidens arriuent assez, nous n'en deuous pourtant diminuer l'administration n'y la reuerance, comme il est arriué au commencement de ce mois de Nouembre, en quelques endroicts de ce Royaume, assurez par les lettres que plusieurs seigneurs de marque & de foy, en ont receu de
leurs

leurs plus confidens amis.

Le deuxiesme de ce mois iour dedié pour les prieres qui se font pour les ames des trespassez, à Muret proche Thoulouse, vne femme ayant demeuré trois iours entiers en travail d'enfant, fut enfin deliuree avec l'estonnement d'un chacun, apres auoir engendré deux creatures sans vie, toutes deux differentes, l'une ayant le visage retourné du costé des espaulles, & l'autre les espaulles du costé du visage, chacun avec vn bras & vne iambe, l'un ayant le bras d'extre, & l'autre la iambe gauche; ce mesme iour en vne grotte vn peu escartee de ce mesme lieu, on entendit à plusieurs reprises des voix entrecoupees qui faisoient retentir l'air circonuoisin, par diuerses lamentations, ressemblant tantost à la voix

humaine , tantost au meuglement d'un Taureau.

Le lendemain en vn autre lieu nommé Caumon sur le Tarc, l'on apperceut au Ciel sur les onses heures du soir, vne femme d'une grandeur prodigieuse, portée d'une vitesse extreme parmy l'air, tenant d'une main vne torche ardente, qu'elle faisoit flamber à l'entour de soy, elle se fit veoir en plusieurs endroicts avec ceste posture, puis reprint sa route où elle s'estoit premierement apparüe, mais d'un autre maintien; Puis se perdit dans vne forrest, dans laquelle elle s'alla fondre avec impetuositè, ce qui a rendu ce passage moins frequenté, à cause des apparitions & hurlemens qui s'y voyent & retentissent iour & nuict.

Le quatriesme, en vn lieu nommé les Thonnins, scituee dans la val-

Ice que l'õ appelle la pleine de Bourdeaux au bas Dauphiné, le iour s'estant fait veoir fort benin & serain à só leuer, fut tout d'un coup couuert, l'obscurité donc fort espesse, qui s'estant à la fin creuee par l'entrechoquement des vents y enclos avec le tonnerre, la fcha vne si grãde quãtité de gresle & si grosse, marquetee de gouttes de sang, qu'elle perça à iour plusieurs maisons, assomma par la violence de sa cheute plusieurs avec le foudre entremeslé, qui brussa sept ou huit maisons.

A S. Macary sur la Garonne en vne vaste campagne se fit vne ouuerture dans la terre, semblable à vne abisme, qui fust bien tost remplie d'une eau si falle, si trouble & si puante, qu'à grand peine la pouuoit on abborder, l'on y descendit plus de deux cens toises de cordages, sans

pouuoir sonder le fond, après on y ietta vn chien qui tout aussi tost fult englouty & suffoqué, sans pouuoir reuenir en façon quelconque au dessus de l'eau, qui estant comme irritée commença à ietter de gros bouillons en haut, avec vn grand murmure, s'esleuant presque iusques à ces bords, avec vne escume toute noirestre, on voit pour l'ordinaire là auprès vne infinité de corbeaux, qui avec leurs croassemens font vn bruit espouuantable, sur le soir principalement, & de nuit l'õ ny passe iamais sans y remarquer quelque monstrueux spectacle & monstrueux fantosme.

Mais bien que ces prodiges soient arriuez en ce florissant Royaume de France, Dieu qui en a tousiours eu vn soin particuliere ne permettra pas, s'il plaist à sa diuine bonté, que ce

soit pour prognosticque ou presage d'aucun malheur qui y doiuent suruenir, mais seulement que ce soit pour l'estonnement & confusion des rebelles & ennemis de la couronne, pour leur seruir de caueillon & de mords, pour refrener & brider l'effrenee audace de telles gens, qui voudroient s'esleuer & se liguier contre l'Estat, & troubler la paix & le repos qui y regne par la valeur, sagesse, & grandeur de nostre grand Roy, qu'il plaise au Roy des Roys le tenir & couvrir sous les ailles de sa protection, & le rendre tousiours comme il a esté triomphateur & dominateur de ses ennemis, à fin que le tout soit pour l'honneur de son saint nom, pour l'accroissement de la foy Catholique, & pour le bien de la Chretienté.

F I N